

Saksframlegg

Saksnr.	Utval	Møtedato
113/20	Formannskapet	18.08.2020

Oppstart reguleringsplanarbeid - Detaljregulering Myklebustvatnet natursti

Samandrag:

Herøy kommune ynskjer å legge til rette for auka aktivitet i befolkning og vurderer derfor moglegheitene for å etablere ein natursti rundt Myklebustvatnet. Kommunen trur dette kan vere eit positivt tiltak for å betre folkehelsa på lang sikt blant innbyggjarane. I dag ligg vatnet avskjerma bak busettinga og innbyggjarar flest har ikkje eit forhold til naturreservatet.

Oppstartsdokumenta som ligg vedlagt skildrar kva som er intensjonen med planen og kommunedirektøren rår til at det vert starta opp planarbeid med Myklebustvatnet natursti

Kommunedirektøren rår til at det, i medhald av plan- og bygningslova § 12-3 og § 12-8, vert starta opp arbeid med detaljregulering for Myklebustvatnet natursti.

Formannskapet 18.08.2020:

Behandling:

Kommunedirektøren si tilråding vart samrøystes vedteke.

F- 113/20 Vedtak:

Formannskapet vedtek i medhald av plan- og bygningslova § 12-3 og §12-8 at det vert starta opp detaljreguleringsarbeid for Myklebustvatnet natursti.

Kostnadar for prosjektet vert ført på investeringsrekneskapet – prosjekt 70025 – Planlegging av tursti Myklebustvatnet.

Kommunedirektøren får fullmakt til å gjere naudsynte budsjettendringar.

Kommunedirektøren si tilråding:

Formannskapet vedtek i medhald av plan- og bygningslova § 12-3 og §12-8 at det vert starta opp detaljreguleringsarbeid for Myklebustvatnet natursti.

Kostnadar for prosjektet vert ført på investeringsrekneskapet – prosjekt 70025 – Planlegging av tursti Myklebustvatnet.

Kommunedirektøren får fullmakt til å gjere naudsynte budsjettendringar.

Vedlegg:

Planinitiativ for Myklebustvatnet natursti

Varsling oppstart planarbeid Myklebustvatnet natursti


08.07.20 Søknad reguleringsplanarbeid Myklebustvatnet natursti

Saksopplysningar:

Herøy kommune ynskjer å legge til rette for auka aktivitet i befolkning og ynskjer å vurdere moglegheitene for å etablere ein natursti rundt Myklebustvatnet. Kommunen trur dette kan vere eit positivt tiltak for å betre folkehelsa på lang sikt blant innbyggjarane. I dag ligg vatnet avskjerma bak busettinga og innbyggjarar flest har ikkje eit forhold til naturreservatet. I eit langsiktig perspektiv ser ein føre seg at nærleik til vatnet vil skape ein «eigarskap» blant innbyggjarane til naturreservatet og til fuglane som nyttar det. Ei slik bevisstgjering av kva kvalitetar som faktisk ligg midt på Bergsøya vil forhåpentlegvis bidra både til at bygdelag/nabolag, velforeningar og andre vil bidra til å halde vatnet reint og ryddig.

Kommunestyret i Herøy har 27.02.20, sak 26/20, delegert prosjektansvar for arbeidet til Herøy Rotaryklubb.

I planarbeidet må det avklarast grunneigarforholda der ein potensielt kan kome inn på bustadtomtene til bebuarane. Herøy kommune og Herøy Rotaryklubb(prosjektansvarleg) er opptekne av at naboane til ein eventuell tursti skal takast med på råd for å avklare kva som er moglegheitene for trase og evt. fysisk skjerming mellom tursti og busettinga.



Figur 1: Oversiktskart over planområde (plangrensa er markert raud strek).

I arbeidet har Prosjektstyret heile vegen vurdert kva framgangsmåte vil vere mest

effektivt og mest teneleg for å få realisert ein tursti rundt Myklebustvatnet. Alternativa har vore dispensasjonsbehandling eller utarbeiding av reguleringsplan.

Prosjektstyret gjorde følgjande vedtak 18.06.2020:

Prosjektstyret la i sine drøftingar vekt på å sikre ein ryddig og oversiktleg prosess der den einskilde grunneiar sine rettar og samfunnet sine interesser vert ivareteke i samsvar med plan- og bygningslova. Med så mange berørte grunneigarar kombinert med sterke reguleringar av naturreservatet, finn styret det rett å gjennomføre ein ordinær reguleringsplanprosess. Dette sikrar formell og balansert ivaretaking av alle berørte sine interesser.

Vedtak:

1. *Prosjektstyret vedtek å sende søknad om oppstart av reguleringsplan for prosjektet Myklebustvatnet natursti.*

Vurdering og konklusjon:

Kommunedirektøren rår til at planarbeidet vert starta opp og at arbeidet vert sett ut til konsulentfirma på grunn av redusert kapasitet og stor saksmengd på Utviklingsavdelinga. Kostnadar for prosjektet vert ført på investeringsrekneskapet – prosjekt 70025 – Planlegging av tursti Myklebustvatnet.

Kommunedirektøren rår til at det vert gjeve løyve til oppstart av detaljreguleringsarbeid for Myklebustvatnet natursti i medhald av plan- og bygningslova § 12-3 og §12-8.

Likestillingsmessige sider ved saka: ikkje relevant

Konsekvensar for folkehelsa: Natursti rundt Myklebustvatnet vil truleg ha positive konsekvensar for folkehelsa blant innbygarane.

Miljøkonsekvensar: Ingen kjende per no, men må avklarast i planarbeidet om det kan vere positive eller negative konsekvensar for miljøet i Myklebustvatnet.

Økonomiske konsekvensar: Ingen kjende.

Beredskapsmessige konsekvensar: Ingen kjende.

Konsekvensar for barn og unge: Kan ha positive konsekvensar ved at born kan nytte turstien som tilkomst mellom bebyggelsen sør for Myklebustvatnet til skule-, kultur- og idrettsområde og slepp å ferdast på trafikerte vegar som td. Hjelmsetvegen.

Trond Arne Aglen
Kommunedirektør

Andreas Chr. Nørve
Ass.kommunedirektør /
kommunalsjef samfunnsutvikling